



ԵՐԵՎԱՆԻ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
ԷՐԵՐՈՒՆԻ ՆՍՏԱՎԱՅՐ
(ՀՀ, համայնք Երեւան, Էրեբոնի, Խորենացու Փ., մասնաշենք 162Ա)



Ո Ր Ո Շ ՈՒ Մ

ՀԱՅՅԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ,

ՊԱՏԱՍԽԱՆՈՂԻՑ ԱՊԱՑՈՒՅՑՆԵՐ ՊԱՀԱՆՁԵԼՈՒ ԵՎ
ԳՈՐԾԻ ՔՆՆՈՒԹՅՈՒՆԸ ԴԱՏԱԿԱՆ ՆԻՍՏՈՎ ԻՐԱԿԱՆԱՑՆԵԼՈՒ
ՄԱՍԻՆ

ԵԴ2/7359/02/24
8 Հոկտեմբերի 2024թ

ք. Երևան

ՀՀ Երևան քաղաքի առաջին ատյանի ընդհանուր իրավասության քաղաքացիական դատարանի (այսուհետ նաև՝ Դատարան) դատավոր Արման Օհանյանը ուսումնասիրելով <<Կառլին>> ՄՊԸ-ի ընդդեմ ՀՀ Սյունիքի մարզի Կապանի համայնքապետարանի՝ ՀՀ Կապան համայնքապետարանի կողմից հայցվոր <<ԿԱՈԼԻՆ>> ՄՊԸ-ին ուղարկված ՝ Համայնքի կարիքների համար կապալային աշխատանքների կատարման /փողոցներ,բակեր,մայթեր/ գնման պայմանագիր № ՀՀ-ՍՄԿՀ-ԳՀԱԾԶԲ-23/06/02 ծածկագրով կնքված պայմանագիրը միակողմանի լուծելու մասին՝ 11.07.2024թ-ի ծանուցագիրն անվավեր ճանաչելու պահանջի մասին հայցադիմումը և դրան կից ներկայացված փաստաթղթերը.

Պ Ա Ր Չ Ե Ց
II

(ՆԿԱՐԱԳՐԱԿԱՆ ՄԱՍ)

06.09.2024 թվականին <<Կառլին>> ՄՊԸ-ն հայցադիմում են ներկայացրել Դատարան ընդդեմ ՀՀ Սյունիքի մարզի Կապանի համայնքապետարանի՝ ՀՀ Կապան համայնքին՝ հանձնես Կապանի համայնքապետարան կառավարչական հիմնարկին՝ Համայնքի կարիքների համար կապալային աշխատանքների կատարման /փողոցներ,բակեր,մայթեր/ գնման պայմանագիր № ՀՀ-ՍՄԿՀ-ԳՀԱՇՁԲ-23/06/02 ծածկագրով կնքված պայմանագիրը՝ 11.07.2024թ-ի ԾԱՆՈՒՑԱԳԻՐ անվամբ փաստաթղթով նշված հիմքերով միակողմանի լուծելն արգելելու պահանջի մասին:

06.09.2024 թվականին քաղաքացիական գործը մակագրվել է Դատարանի դատավոր Ա.Օհանյանին և քաղաքացիական գործը 09.09.2024 թվականին հանձնվել է (հասանելի է դարձել) դատավոր Ա.Օհանյանին:

12.09.2024 թվականի Դատարանի դատավոր Ա.Օհանյանի որոշմամբ հայցադիմումը և կից փաստաթղթերը վերադարձվել են Հայցվորին:

Ընկերության ներկայացուցչի կողմից թերությունները վերացվելուց հետո ենթացա ժամկետում ըստ հայցի <<Կառլին>> ՄՊԸ-ի ընդդեմ ՀՀ Սյունիքի մարզի Կապանի համայնքապետարանի՝ ՀՀ Կապան համայնքապետարանի կողմից հայցվոր <<ԿԱՈՒԻՆ>> ՄՊԸ-ին ուղարկված ՝ Համայնքի կարիքների համար կապալային աշխատանքների կատարման /փողոցներ,բակեր,մայթեր/ գնման պայմանագիր № ՀՀ-ՍՄԿՀ-ԳՀԱՇՁԲ-23/06/02 ծածկագրով կնքված պայմանագիրը միակողմանի լուծելու մասին՝ 11.07.2024թ-ի ծանուցագիրն անվավեր ճանաչելու պահանջի մասին հայցադիմումը կրկին ներկայացվել է Դատարան:

03.10.2024 թվականին հա. ԵԴ2/7359/02/24 քաղաքացիական գործը մակագրվել է Դատարանի դատավոր Ա.Օհանյանին, իսկ քաղաքացիական գործը Դատարանի դատավոր Ա.Օհանյանին հանձնվել է (համակարգում հասանելի է դարձել) 04.10.2024 թվականին:

III

(ՊԱՏՃԱՌԱԲԱՆԱԿԱՆ ՄԱՍ)

Դատարանն արձանագրում է, որ հայցադիմումը ներկայացված է ՀՀ քաղաքացիական դատավարության օրենսգրքի 121 և 122 հոդվածների պահանջներին համապատասխան և բացակայում են նույն օրենսգրքի 126 և 127 հոդվածներով սահմանված հայցադիմումի ընդունումը մերժելու կամ վերադարձնելու հիմքերը:

Դատարանն արձանագրում է, որ սույն վեճը քննության է ենթակա ՀՀ քաղաքացիական դատավարության օրենսգրքի 27.2 գլխով սահմանված հատուկ հայցային վարույթի կարգով, որպիսի պարագայում՝ հիմք ընդունելով ՀՀ քաղաքացիական դատավարության օրենսգրքի 234.6-րդ հոդվածը,

անհրաժեշտ է Պատասխանողից պահանջել գնման գործընթացի հետ կապված պատասխանողի տիրապետման տակ գտնվող բոլոր ապացույցները:

Անդրադառնալով գործը դատական նիստում քննության առնելու մասին Հայցվորի ներկայացուցչի միջնորդությանը, Դատարանը գտնում է, որ այն ենթակա է բավարարման՝ հետևյալ հիմնավորմամբ.

ՀՀ քաղաքացիական դատավարության օրենսգրքի 234.9-րդ հոդվածի համաձայն՝ դատարանը սույն գլխով նախատեսված վեճերով գործերը քննում և դրանց վերաբերյալ վճիռները և որոշումները կայացնում է գրավոր ընթացակարգով, բացառությամբ այն դեպքերի, երբ դատարանը գործին մասնակցող անձի միջնորդությամբ կամ **իր նախաձեռնությամբ եկել է եզրահանգման, որ անհրաժեշտ է գործը քննել դատական նիստում:**

Նույն հոդվածի 4-րդ մասի համաձայն՝ գործը դատական նիստում քննելու հարցը կարող է լուծվել նաև հայցադիմումը վարույթ ընդունելու մասին որոշմամբ:

Դատարանն արձանագրում է, որ ելնելով ներկայացված վեճի և հայցապահանջի բովանդակությունից, առկա է կողմերի հետ գործի լուծման համար էական նշանակություն ունեցող փաստերի քննության անհրաժեշտություն, որպիսի պարագայում առկա է առնվազն մեկ դատական նիստ անցկացնելու անհրաժեշտություն:

IV (ԵԶՐԱՓՈՎԿԻՉ ՄԱՍ)

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 124, 125, 234.5 և 234.6, 234.9, 199-200 հոդվածներով՝

Ո Ր Ո Շ Ե Ց

1. Հայցադիմումն ընդունել վարույթ:

2. Պատասխանող ՀՀ առողջապահության նախարարությունից պահանջել <<ՀՀ-ՄՄԿՀ-ԳՀԱՇՁԲ-23/06/02>> ծածկագրով գնման գործընթացի հետ կապված ՀՀ Սյունիքի մարզի Կապանի համայնքապետարանի տիրապետման տակ գտնվող բոլոր ապացույցները:

3. **Պարզաբանել կողմերին, որ՝**

- ապացույցներ պահանջելու վերաբերյալ որոշումը կատարվում է

պատասխանողի կողմից որոշումն ստանալուց հետո՝ հնգօրյա ժամկետում, և այդ ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

- վիճարկվող գործողությունների (անգործության) և որոշումների հիմքում ընկած հանգամանքների, ինչպես նաև տվյալ գործողությունների (անգործության) կատարման և որոշման ընդունման օրենքով, այլ իրավական ակտերով սահմանված կարգը պահպանված լինելու փաստերն ապացուցելու պարտականությունը կրում է պատասխանողը:

- պատասխանողը վիճարկվող գործողությունների (անգործության) և որոշումների իրավաչափությունը հիմնավորող ապացույցներ կարող է ներկայացնել միայն ապացույցները պահանջելու որոշման կատարման ընթացքում, բացառությամբ այն դեպքերի, երբ հիմնավորում է ապացույցի ներկայացման անհնարիությունը իրենից անկախ պատճառներով:

- հայցադիմումի պատասխանը ներկայացվում է հայցադիմումը վարույթ ընդունելու մասին որոշումն ստանալուց հետո՝ հնգօրյա ժամկետում:

- քաղաքացիական դատավարության օրենսգրքի 234.11 հոդվածի համաձայն՝ պատվիրատուի և գնահատող հանձնաժողովի գործողությունների (անգործության) և որոշումների (բացառությամբ <<Գնումների մասին>> Հայաստանի Հանրապետության օրենքի 6-րդ հոդվածի 2-րդ մասով նախատեսված որոշումների) բողոքարկումն ինքնաբերաբար կասեցնում է գնման գործընթացը՝ սույն օրենսգրքի 234.6-րդ հոդվածի 5-րդ մասով նախատեսված որոշումը հրապարակվելու օրվանից մինչև վեճի քննության արդյունքներով առաջին ատյանի դատարանի կայացրած եզրափակիչ դատական ակտն ուժի մեջ մտնելու օրը:

4. Գործի քննությունն իրականացնել դատական նիստով, որը տեղի կունենա 01.11.2024 թվականին՝ ժամը 16:00-ին ՀՀ Երևան քաղաքի առաջին ատյանի ընդհանուր իրավասության քաղաքացիական դատարանի Էրեբունու նստավայրի (հասցե՝ ՀՀ, ք.Երևան, Մ.Խորենացի 162Ա) դատական նիստերի թիվ 7 դահլիճում:

5. Որոշումն օրինական ուժի մեջ է մտնում կայացման պահից և ենթակա չէ բողոքարկման:

Դատավոր՝ Արման Օհանյան